



Deeside College
Coleg Glannau Dyfrdwy

Llawlyfr Dysgwr yn y Gweithle

Canllaw i Bolisiau, Gweithdrefnau ac Ymarferion Coleg
Glannau Dyfrdwy ar gyfer dysgwyr yn y gweithle.



Deeside College
Coleg Glannau Dyfrdwy

Croeso

Hoffem estyn croeso cynnes i chi ar ddewis cwrs gyda Choleg Glannau Dyfrdwy. Rydym yn gobeithio y byddwch yn cael profiad llawn mwynhad a gwerth chweil gyda ni, pa un ai a ydych yn newydd, neu wedi dychwelyd atom er mwyn datblygu ymhellach eich gwybodaeth a sgiliau.

Rydym wedi ymrwymo i ddarparu cyfleoedd hyfforddi sector arweiniol i bawb.

Mae'r Llawlyfr yma wedi ei gynllunio i'ch darparu gyda'r wybodaeth allweddol er mwyn eich helpu i ddeall beth y gallwch ei ddisgwyl gennym ni a beth yr ydym ni'n ei ddisgwyl gennych chi yn ystod eich amser gyda ni, ynghyd â manylion am ein polisiau a gweithdrefnau.

Os hoffech gael copi o'r llawlyfr hwn mewn print bras neu ar dâp cysylltwch â Gwasanaethau Myfyrwyr ar 01244 834511.

Cynnwys

- 1 Ynglŷn â Choleg Glannau Dyfrdwy
- 1 Eich cyfrifoldebau fel dysgwr yn y gweithle
- 2 Eich hawliau fel dysgwr yn y gweithle
- 3 Prentisiaethau
- 3 Cyfrinachedd Dysgwr
- 4 Cwynion, Canmoliaeth ac Adborth
- 5 Iechyd a Diogelwch
- 5 Diogelu
- 6 Disgyblaeth – Tanberfformiad
- 6 Cyfleoedd Cyfartal
- 6 Bwlio
- 7 ADC&DF
- 7 Cefnogaeth i Ddysgwyr
- 8 Cefnogaeth Sgiliau Astudio
- 8 Cymorth i'r Anabl
- 9 Cynghori
- 9 Gwasanaethau Llyfrgell
- 10 Cefnogaeth ar-lein
- 11 Yr Iaith Gymraeg
- 11 Camau nesaf
- 12 Rhifau defnyddiol

Ynglŷn â Choleg Glannau Dyfrdwy

Croeso i Goleg Glannau Dyfrdwy. Yn dilyn uniadau yn 2009 a 2010 mae Coleg Glannau Dyfrdwy, Coleg Llaneurgain, Coleg Llysfasi a Hyfforddiant Wrecsam i gyd yn rhan o Gorfforaeth Coleg Glannau Dyfrdwy gydag un tîm llywodraethu ac un tîm rheoli. Yn y llawlyfr yma byddwch yn canfod gwybodaeth allweddol y byddwch ei angen fel myfyriwr/myfyrwraig yn un o'n pedwar safle.

Eich cyfrifoldebau fel dysgwr yn y gweithle

- Gwneud ymrwymiad cadarnhaol i'ch datblygiad a'ch dysgu eich hun
- Astudio a chwblhau gwaith yn rheolaidd ac ar amser
- Cwblhau'r holl waith papur angenrheidiol fel bo angen
- Cwblhau Cynlluniau Dysgu Unigol fel bo angen
- Cymryd rhan lawn mewn sesiynau lle caiff eich cynnydd ei adolygu a derbyn a rhoi adborth adeiladol
- Dod ag unrhyw bryderon sydd gennych i sylw'r cyswllt priodol
- Os nad ydych yn gallu cadw apwyntiad gyda'ch Asesydd cysylltwch â hwy cyn yr amser.

Eich Hawliau fel Dysgwr yn y Gweithle

Mae hawl gennych i ddisgwyl rhaglen gefnogaeth o'r ansawdd uchaf a rheolaeth effeithiol dros eich dysgu sy'n rhwym wrth arolwg annibynnol trwy sicrhau:

- Bod gennych asesiad o'ch anghenion ac yn deall sut y byddant yn cael eu cwrdd
- Eich bod yn gwybod sut y bydd eich dysgu blaenorol yn cyfrannu at eich dysgu cynlluniedig
- Eich bod yn deall manylion eich rhaglen astudiaeth a'r cymwysterau a ddilynir
- Rydych yn gwybod enw eich Asesydd / Tiwtor, sut y gallwch gysylltu â hwy a phwy y dylech gysylltu â hwy ynglŷn âg unrhyw faterion yn ymwneud a'ch rhaglen ddysgu
- Eich bod yn derbyn cyngor rheolaidd ac adeiladol, cefnogaeth ac adborth ynglŷn â'ch perfformiad
- Bod unrhyw bryderon neu gwynion sydd gennych yn cael eu trin yn gyflym a gyda chydymdeimlad
- Eich bod yn gwybod beth i'w wneud os oes gennych gwyn, ganmoliaeth neu os ydych eisiau rhoi adborth i ni
- Eich bod yn dysgu mewn amgylchedd saff a diogel ac yn deall ein polisi ar iechyd a diogelwch
- Eich bod yn cael eich parchu fel dysgwr yn ôl diffiniad y gyfraith ac yn ôl datganiad cyfle cyfartal y coleg
- Eich bod yn derbyn cymorth a chefnogaeth priodol i ddelio gyda llythrennedd, rhifedd, sgiliau astudio ac unrhyw anghenion canfyddadwy eraill
- Eich bod yn cael eich asesu, dysgu neu hyfforddi gan bobl sy'n gymwys yn y maes pwnc
- Bod rhaglenni dysgu yn cael eu rheoli a chydlynu i safonau uchel
- Eich bod yn derbyn gwybodaeth a chyngor ar gynnydd neu gyfleoedd dysgu eraill
- Y gofynnir i chi am eich barn ar ansawdd eich rhaglen ddysgu a'ch bod yn derbyn adborth ar unrhyw weithrediadau gwelliant a gymerwyd o ganlyniad

Prentisiaethau

Mae prentisiaethau yn ffordd wych o ennill cymwysterau a phrofiad yn y gweithle. Fel gweithiwr, gallwch ennill arian tra'n dysgu a byddwch yn ennill sgiliau ymarferol yn y gweithle. Wrth gwrs efallai bod gennych nifer o flynyddoedd o brofiad a sgiliau fydd yn eich helpu chi gyda chyflawniad eich fframwaith prentisiaeth. Bydd y fframwaith prentisiaeth yn cynnwys:

Cymhwyster Galwedigaethol Cenedlaethol (CGC) – ar sail cymhwysedd sy'n cydnabod eich gallu a'r sgiliau a'r wybodaeth sydd ei angen i wneud swydd yn effeithiol. Mae CGC yn cael eu hasesu ar berfformiad ymarferol a phortffolio o dystiolaeth. Bydd Asesydd cymwysedig yn cael ei benodi er mwyn sicrhau eich bod yn cyflawni eich CGC. Byddant yn asesu eich gwybodaeth a dealltwriaeth yn ogystal â'ch perfformiad.

Erbyn dechrau 2011 bydd yr holl CGC yn cael eu disodli gan QCF – Fframwaith Cymwysterau a Chredydau. Mae hyn yn galluogi dysgwyr i ymgymryd â dysgu ar wahanol lefelau ac yn cydnabod bod swyddi yn cynnwys tasgau a chyfrifoldebau ar lefelau gwahanol. Bydd eich Asesydd yn egluro hyn i chi. Fodd bynnag os ydych eisoes wedi dechrau eich CGC byddwch yn gallu ei gwblhau.

Tystysgrif Dechnegol – yn darparu'r wybodaeth greiddiol i gefnogi'ch CGC.

Sgiliau Allweddol / Sgiliau Hanfodol - yw'r sgiliau sydd arnoch ei angen er mwyn gweithredu'n hyderus a llwyddiannus yn y coleg, gwaith, hyfforddiant a bywyd yn gyffredinol fel rhifedd a llythrennedd. Os oes gennych unrhyw gwestiynau ynglŷn â hyn cysylltwch â'ch asesydd.

Hawliau a Chyfrifoldebau Cyflogaeth -

- Hawliau a chyfrifoldebau gweithwyr (yn cynnwys deddfwriaeth cyfleoedd cyfartal)
- Y sefydliad, disgyblaethau a strwythurau cynrychiadol y sector
- Yr effaith, ar y sector o gyfraith a pholisïau cyhoeddus

Cyfrinachedd Dysgwyr

- Bydd Coleg Glannau Dyfrdwy yn sicrhau bod hawliau myfyrwyr i gyfrinachedd gwybodaeth bersonol yn cael ei ddiogelu. Rydym yn credu y dylai'r holl fyfyrwyr fod a'r hawl i ddisgwyl i'r wybodaeth bersonol a gaiff ei gadw amdanynt gael ei drin gyda chyfrinachedd a gyda pharch.

- Pan gaiff dysgwyr eu hannog i ddatgelu gwybodaeth bersonol, dylai hyn fod gyda'u caniatad. Mae hawl ganddynt i ddisgwyl gwybodaeth glir a thryloyw a chyngor ynglŷn â goblygiadau dadleniad ac ynglŷn â'u rhyddid i gael mynediad a newid beth a gaiff ei gadw ar gofnod, ac os yw'r wybodaeth yn cael ei rannu gydag unrhyw sefydliad arall.
- Mae Coleg Glannau Dyfrdwy yn ystyriol bod yr hyn a gaiff ei ystyried yn gyfrinachol yn gallu amrywio o ddisgwyr i ddisgwyr ac o amgylchiadau i amgylchiadau

Cwynion, Canmoliaeth ac Adborth

Rydym yn croesawu unrhyw adborth ar y profiad yr ydych wedi ei gael gyda ni. Mae'n bwysig i ni eich bod yn teimlo eich bod yn gallu cwyno, canmol neu'n darparu ag adborth er mwyn i ni allu parhau i'ch darparu gyda gwasanaeth o ansawdd.

Os oes gennych gwyn am eich hyfforddiant dylech gael gair yn y lle cyntaf gyda'ch Asesydd. Os ydych yn teimlo na allwch siarad â'ch Asesydd ac yr hoffech wneud cynwffurfiol yna ysgrifennwch at y Swyddog Cwynion, Coleg Glannau Dyfrdwy, Ffordd Gelstryn, Cei Conna, Glannau Dyfrdwy, Sir y Fflint CH5 4BR. Bydd yr holl gwynion a sylwadau yn cael eu trin yn brydlon, effeithiol ac yn gwrtais ac yn gyfrinachol. Byddwch yn derbyn ymateb i roi gwybod i chi ein bod wedi derbyn eich cynwffurfiol a byddwn yn edrych i mewn i'ch cynwffurfiol cyn gynted ag y gallwn. Byddwn fel rheol yn gallu darparu ymateb o fewn 15 diwrnod gwaith ond os nad fydd hyn yn bosibl byddwn yn gadael i chi wybod beth sy'n digwydd.

Rydym yn trin yr holl gwynion, canmoliaeth ac adborth yr ydym yn ei dderbyn o ddirif. Rydym yn gwrandao ar yr hyn yr ydych yn ei ddweud ac yna'n anelu at ddisgwyl a gwella ein gwasanaethau lle bynnag y gallwn.

Canmoliaeth ac Adborth

Rydym yn ymdrechu'n barhaus i wella'r gwasanaeth yr ydym yn ei gynnis i'n cwsmeriaid. Rydym felly'n gwerthfawrogi eich sylwadau ac awgrymiadau er mwyn ein galluogi i ddarparu gwasanaeth sy'n cwrdd orau a'ch anghenion. Gallwch roi canmoliaeth, awgrymiadau ac unrhyw adborth i'ch Asesydd neu eu hanfon i'r Swyddog Cwynion yng Ngholeg Glannau Dyfrdwy. Hefyd, mae pob dysgwyr yn cael cyfle i roi adborth yn ystod eu cwrs. Mae'r data a gesglir o hyn yna'n cael ei gasglu a sylwadau a syniadau yn cael eu trafod gyda rheolwyr a lle bo'n bosibl, gwelliannau'n cael eu gwneud i'r gwasanaeth yr ydych yn ei dderbyn.

Iechyd a Diogelwch

Mae'n bwysig eich bod yn gallu hyfforddi mewn amgylchedd diogel a chefnogol. Mae Coleg Glannau Dyfrdwy yn cynnal archwiliad dechreuol gyda'r cyflogwr ac yn monitro trefniadau iechyd a diogelwch yn y gweithle yn rheolaidd. Mae gan ddysgwyr hefyd ddyletswydd i atal anaf i'w hunain ac i eraill felly cofiwch roi gwybod i'ch cyflogwr ar unwaith am unrhyw ddamwain neu berygl. Mae yna nifer o faterion iechyd a diogelwch cyffredinol sy'n bodoli a dylech fod yn ymwybodol ohonynt wrth i chi ddechrau eich dysgu. Maent yn cynnwys:

- Proses wagio mewn argyfwng a lleoliad allanfeydd tân a brys
- Y ffôn agosaf i'w defnyddio mewn argyfwng
- Lleoliad y blwch cymorth cyntaf agosaf
- Sut i gofnodi damwain – lleoliad a defnydd o'r llyfr damweiniau
- Polisi iechyd a Diogelwch y cwmni

Diogelu

Mae gan Goleg Glannau Dyfrdwy ddyletswydd foesol i sicrhau bod yr holl swyddogaethau yn cael eu cynnal gyda'r bwriad o ddiogelu a hybu lles ein plant a phobl ifanc o dan 18 oed ac oedolion bregus sy'n derbyn addysg a hyfforddiant. Mae Coleg Glannau Dyfrdwy eisiau eich helpu i:

- bod yn iach
- Aros yn ddiogel
- Mwynhau a chyflawni
- Gwneud cyfraniad cadarnhaol
- Cyflawni lles economaidd

Os oes arnoch angen cymorth gofynnwch i'ch Asesydd neu ffoniwch 01244 831531 estyniad 4243

Disgyblu - Tanberfformio

Bydd Coleg Glannau Dyfrdwy yn sicrhau triniaeth deg ar gyfer dysgwyr y mae eu perfformiad islaw'r gofyniadau lleiaf. Byddwn yn gwneud pob ymdrech i sicrhau bod y broblem yn cael ei datrys heb orfod cymryd camau disgyblu. Fodd bynnag os na ellir datrys y broblem yn y ffordd yma bydd eich Asesydd yn eich gwneud yn ymwybodol o weithdrefn ddisgyblu Coleg Glannau Dyfrdwy ar gyfer tanberfformiad.

Cyfleoedd Cyfartal

Mae Coleg Glannau Dyfrdwy wedi ymrwmo i'r egwyddor bod pawb sy'n gwneud i fyny'r gymuned sef Coleg Glannau Dyfrdwy gan yr hawl i gael eu gwerthfawrogi yn gyfartal a chael cydraddoldeb beth bynnag fo'u rhyw, rhywioldeb, hil, lliw, cenedligrwydd, tarddiad ethnig, oedran, anabledd, cred grefyddol neu wleidyddol neu unrhyw euogfarnau troseddol sydd ddim yn berthnasol i'w dibenion yn y coleg

Os oes arnoch angen help i ddeall cyfleoedd cyfartal a sut y dylech ymddwyn tuag at eraill neu yr hoffech gopi o'n polisi, siaradwch â'ch tiwtor, asesydd neu Gwasanaethau Myfyrwyr.

Bwlio

Beth ydi Bwlio? Bwlio yw ymddygiad sy'n niweidiol yn emosiynol neu'n niweidiol yn gorfforol i berson. Mae'n ailadroddus, bwriadol ac yn cael ei wneud gan grwp neu unigolyn. Os ydych yn cael eich bwlio byddwch yn teimlo'n isel a diamddiffyn.

Mae'r Coleg wedi ymrwmo i sicrhau fod ei holl fyfyrwyr yn teimlo'n ddiogel. Os ydych yn gwybod am unrhyw achos o fwlio neu'n cael eich bwlio eich hun dywedwch wrth eich asesydd neu ffoniwch y Llinell gymorth ar 0845 22 55 787. Os ydych yn cael eich effeithio gan fwlio ac eisiau canfod mwy ewch i: www.bullying.co.uk neu www.beatbullying.org.

ADC&DF

Addysg ar gyfer Datblygiad Cynaliadwy a Dinasyddiaeth Fyd-eang

Beth ydi ADC&DF?

Mae'n bennaf ynglŷn â chyfrifoldeb.

Mae o am yr hyn yr ydym ni'n ei wneud pob dydd. Mae o am y materion mawr yn y byd – fel newid hinsawdd, masnach, disbyddiad adnoddau ac amgylcheddol, iawnderau dynol, gwrthdaro a democratiaeth – a sut y maent yn ymwneud â'i gilydd a gyda ni.

Mae ynglŷn â sut yr ydym ni'n trin y ddaear ac yn trin ein gilydd, waeth pa mor bell i ffwrdd o'n gilydd yr ydym yn byw. Mae ynglŷn â sut yr ydym ni'n paratoi ar gyfer y dyfodol. Mae gan bob un ohonom ran i'w chwarae. Yn fyr, mae gweithrediadau pawb yn cydgysylltu.

Bu i Ddeddf Llywodraeth Cymru 1998 roi i'r Cynulliad Cenedlaethol ddyletswydd statudol i hybu Datblygiad Cynaliadwy. Mae nawr yn flaenoriaeth ganolog sy'n torri ar draws popeth y mae Llywodraeth Cynulliad Cymru yn ei wneud. Maent wedi ymrwymo hefyd i feithrin Cymru fwy rhyng-genedlaethol ac allanol ei golygon a hybu dinasyddiaeth fyd-eang. Fel dysgwyr yn y gweithle byddwch yn clywed llawer am ADC&DF trwy gydol eich rhaglen ddysgu gyda'r coleg.

Cefnogaeth i Ddysgwyr

I gael gwybodaeth a chynghor ynghylch cyrsiau, cymwysterau a gofynion mynediad perthnasol cysylltwch â Gwasanaethau Myfyrwyr:

Coleg Glannau Dyfrdwy

Dydd Llun i Ddydd Iau o 8.30yb - 7.30yh

Dydd Gwener 8.30yb - 4.30yp

Galwch mewn, ffoniwch **01244 834511**, neu e-bostiwch ymholiadau@deeside.ac.uk

Coleg Llaneurgain

Dydd Llun i Ddydd Gwener o 8.30yb - 4.30yp

Galwch mewn neu ffoniwch **01352 841056**

Coleg Llysfasi

Dydd Llun i Ddydd Gwener o 8.30yb - 4.30yp

Galwch mewn neu ffoniwch **01978 790263**

Hyfforddiant Wrecsam

Dydd Llun i Ddydd Gwener o 8.30yb - 4.30yp

Galwch mewn neu ffoniwch **01978 363033**

Cefnogaeth Sgiliau Astudio

Cymorth i bob myfyriwr/wraig, o bob gallu, ar bob lefel.

Gallwn helpu gyda:

- Asesiadau i adnabod eich anghenion cefnogi
- Tiwtorialau unigol
- Cefnogaeth tra ar y cwrs
- Cymorth ychwanegol gyda Saesneg, Mathemateg a Chyfrifiaduron
- Cymorth gydag anawsterau dysgu penodol fel dyslecsia, Syndrom Irlen a ADD

Siaradwch â'ch Asesydd os ydych eisiau cymorth, neu os hoffech gael gair a'n staff cefnogi rhwch alwad iddynt ar **01244 831531** gan ddefnyddio un o'r estyniadau canlynol: Jenny Davies (est 4481) neu Catherine Owens (est 4489).

Cymorth i'r Anabl

Gallwn eich helpu os oes gennych anabledd corfforol, nam ar y golwg neu glyw.

Mae gennym amrediad o offer arbenigol. Gall ein staff hyfforddedig a chyfeillgar gynnig cefnogaeth a chynghor. Os oes gennych chi unrhyw anghenion, anabledd neu anawsterau penodol gadewch i ni wybod. Byddwn yn ymddrin â'ch ymholiad mewn modd cyfrinachol a byddwn yn gofyn am eich caniatâd cyn rhannu manylion gyda thimau arbenigol o fewn y coleg.

Os oes arnoch eisiau cymorth dylech gael gair gyda'ch asesydd neu ymgynghorydd Gwasanaethau Myfyrwyr (ffoniwch **01244 834511** neu minicom - **01244 834529**) neu anfon e-bost atom ymholiadau@deeside.ac.uk

Os hoffech gael copi o'n datganiad anabledd ffoniwch **01244 831531** neu ewch i'n gwefan www.deeside.ac.uk.

Cynghori

Teimlo'n isel? Ei chael hi'n anodd ymdopi?

Peidiwch â dioddef yn dawel – rydym yma i helpu.

Sut mae gwneud apwyntiad?

- Ffoniwch Gwasanaethau Myfyrwyr ar **01244 834511** ac fe drefnir apwyntiad ar eich cyfer.
- Galwch mewn i Gwasanaethau Myfyrwyr ar gampws Coleg Glannau Dyfrdwy.

Eisiau cynghori ar adegau eraill?

- Ffoniwch linell gymorth CALL ar **0800 132737** – mae'n RHAD AC AM DDIM ac mae llinellau ar agor o Ddydd Llun i Ddydd Gwener o 7yh tan 11yh ac ar benwythnosau o hanner dydd tan hanner nos
- Ffoniwch y Samariaid unrhyw adeg o'r dydd neu nos - **01244 377999** neu anfonwch e-bost jo@samaritans.org.

Gwasanaethau Llyfrgell

Mae gwasanaethau llyfrgell ar gael ar y pedwar campws ac yn ein canolfan yn Nhrefynnon. I gael rhagor o wybodaeth siaradwch â'ch asesydd neu cysylltwch â Gwasanaethau Myfyrwyr.

Eisiau gwella eich sgiliau TG/Cyfrifiadurol?

Os oes, beth am gofrestru ar un o'n cyrsiau byr? Bydd y cyrsiau yma yn eich helpu chi i:

- Teipio eich aseiniadau
- Anfon e-bost i'ch asesydd ynghylch eich gwaith
- Defnyddio'r Rhyngwyd i wneud gwaith ymchwil
- Deall sut mae tudalennau gwe yn cael eu cynllunio

Mae gan gyswlltdysgu amrediad eang o gyrsiau ar lefelau sy'n addas i bawb. Gallwch weithio ar eich cwrs lle bynnag y mae gennych fynediad i'r rhyngwyd.



Gallech weithio yn unrhyw un o safleoedd y coleg - ewch a'ch cerdyn adnabod gyda chi a chewch ddefnyddio'r cyfleusterau cyfrifiadurol yn rhad ac am ddim.

Fel myfyrwr/wraig cyswlltdysgu bydd gennych diwtor i'ch helpu a'ch cefnogi i gwblhau eich cwrs yn llwyddiannus. Gallwch hefyd ymuno â gweithdai gyda thiwtoriaid os oes arnoch angen unrhyw help ychwanegol. I gael rhagor o wybodaeth ffoniwch

01244 831531 estyniad 4474.

Cefnogaeth Ar-lein - Moodle - mewnrwyd y myfyrwyr

Bydd eich asesydd yn eich darparu gyda chefnogaeth trwy gydol eich rhaglen hyfforddi a bydd modd i chi gysylltu â hwy dros y ffôn a/neu e-bost os oes gennych unrhyw gwestiynau neu broblemau. Bydd gennych hefyd fynediad i Moodle.

Moodle yw'r enw ar gyfer Amgylchedd Dysgu Rhithwir y coleg. Mae Moodle ar gael trwy rwydwaith cyfrifiadurol y coleg a'r rhyngwyd. Mae hyn yn golygu y gallwch gael mynediad i ddogfennau, cysylltiadau i wefannau, clipiau fideo a deunyddiau eraill yn ymwneud a'ch cwrs unrhyw adeg o'r dydd neu'r nos, neu ar unrhyw ddiwrnod o'r wythnos. Gallwch anfon aseiniadau i'ch asesydd trwy Moodle. Gallwch hefyd ddal fyny ar unrhyw daflenni yr ydych wedi eu colli os ydych wedi bod yn absennol o unrhyw wersi/sesiynau hyfforddi, a llawer mwy.

Gallwch fewngofnodi i Moodle y Coleg trwy fewnrwyd y myfyrwyr a thrwy wefan y coleg www.deeside.ac.uk. Gallwch gofrestru ar-lein trwy wefan y coleg drwy glicio ar Moodle. Bydd hwn yn mynd a chi i dudalen dechrau fydd yn eich cofrestru trwy'r e-bost.

Os byddwch yn cael unrhyw broblemau wrth ddefnyddio Moodle cysylltwch â'ch asesydd. Os byddwch yn cael problemau technegol cysylltwch â Desg Gymorth Gwasanaethau TGC ar 01244 834514.



Yr Iaith Gymraeg

Mae Coleg Glannau Dyfrdwy wedi ymrwmo i hyrwyddo dwyieithrwydd ym mhob agwedd o fywyd y Coleg. Os hoffech ddysgu Cymraeg siaradwch â'ch Asesydd i gael manylion am y cyrsiau y gallwn eu cynnig. Neu os ydych am ddysgu Cymraeg eich hun mae nifer o wefannau a all eich helpu.

Gwefannau Defnyddiol

www.acen.co.uk

www.bbc.co.uk/wales/learnwelsh

www.bbc.co.uk/wales/learnwelsh/bigwelshchallenge

Camau Nesaf

Mae Coleg Glannau Dyfrdwy yn rhagweithiol mewn codi ymwybyddiaeth a dyheadau dilyniant ar ôl i ddysgwyr gwblhau CGC neu fframwaith prentisiaeth. Ar ôl cwblhau rhaglen gallwn eich darparu â gwybodaeth ynglŷn â chyrtsiau eraill addas yng Ngholeg Glannau Dyfrdwy, symud ymlaen i addysg uwch neu lwybrau i gyflogaeth. Trafodwch hyn gyda'ch Asesydd.

Mae Ymgynghorwyr Gyrfa Cymru yn darparu gwybodaeth, cyngor a chyfarwyddyd ynghylch:

- Sut i gael swydd – e.e. llenwi ffurflenni cais, sgiliau cyfweiliad ayb
- Cyfleoedd swyddi lleol
- Gyrfaoedd sy'n cwrdd â'ch anghenion unigol
- Cyrtsiau i'ch helpu chi symud ymlaen i'ch gyrfa ddewisedig
- Cymorth gyda gofynion mynediad prifysgol/Addysg Uwch

Archebwch eich cyfweiliad personol gydag

Ymgynghorydd – i wneud apwyntiad cysylltwch â

Gwasanaethau Myfyrwyr neu anfonwch e-bost i

ymholiadau@deeside.ac.uk



Rhifau Defnyddiol

Switsfwrdd Coleg Glannau Dyfrdwy **01244 831531**

Switsfwrdd Coleg Llanelwain **01352 841000**

Switsfwrdd Coleg Llysfasi **01978 790263**

Switsfwrdd Hyfforddiant Wrecsam **01978 363033**

Cyngor/Cyfarwyddyd Gyrfaoedd **01244 831531 neu 01244 834511**

Gwasanaethau Myfyrwyr **01244 834511**

(gwybodaeth/cyfarwyddyd ynghylch cyrsiau, gwybodaeth ariannol)

Isod ceir cyfeiriadau gwe amrywiaeth o sefydliadau sy'n cefnogi un neu fwy o feysydd cydraddoldeb ac amrywiaeth. Dyma restr fach o sefydliadau, sy'n gweithio'n eithaf agos gydag Addysg Bellach, ac ni olygir iddo fod yn rhestr faith gan fod nifer o ffynonellau eraill da o gefnogaeth ar gael. Nid yw Coleg Glannau Dyfrdwy yn gyfrifol am gynnwys y safleoedd yma:

www.nbp.org.uk

Y Rhwydwaith Gweithwyr Du Proffesiynol

www.time-to-change.org.uk

Yn erbyn gwahaniaethu ar sail lechyd Meddwl

www.wlufe.org.uk

Rhwydwaith Arweinyddiaeth Merched

www.pfc.org.uk

Yn ymgyrchu am barch a chydaddoldeb i bobl drawsrywiol

Planner/Trefnwr

	January Ionawr	February Chwefror	March Mawrth	April Ebrill	May Mai	June Mehefin	July Gorffennaf	August Awst	September Medi	October Hydref	November Tachwedd	December Rhagfyr
1												
2												
3												
4												
5												
6												
7												
8												
9												
10												
11												
12												
13												
14												
15												
16												
17												
18												
19												
20												
21												
22												
23												
24												
25												
26												
27												
28												
29												
30												
31												

Please remember if you can't keep an appointment with your Assessor please contact them as soon as you can.

Os na allwch fynychu apwyntiad gyda'ch Asesydd cofiwch gysylltu â hwy cyn gynted ag y bo modd.

Your Assessor is:
Eich Asesydd yw:

Telephone No(s):
Rhif (au) Ffôn: